


Ä

1975



2011

Ä

WURLITZER
CLIQUE ZUNZGEN

Ä

S'Affetheater um d'Calmy-Rey

Ó

Zunzge isch es Lämpecaff.
Dir wüssets, und doch sitter baff,
wie mir Zunzger s'immer richte,
dass d'Zittig über öis duet brichte.

í

Worum? Mir si, das isch dr Trick,
halt e Bananerepublik,
wo dr Orang Utang lacht,
wo dr Mandrill Chabis macht,
d'Schimppanse uf em Büchel schmuse
und nochethär enander luse,
d'Javaner-Sippe Plän ussbrüetet
und denn dr Silberrugge wüetet.

Ä

Ä

Ä

Vor allem aber dòi mir vile
Affe gärn Theater spile.
Drum göön im rote Affehuus
mir Affe flüssig ii und uus,
zem dörte Probe durefüere
und s'Dorftheater inszeniere.
Mir üebe immer wider moll
es ganz nöis Drama ii, dasch toll.
Und hüür gitts ganz es bsunders z'gaffe:
Es Summerfeschtspiil vo de Affe.
Jä, das Moll gämmer no ein druff.
S'heisst „D'BUNDESFIIR“, drum:

Ä

Ó

Ä

Ó

Ä

í

Vorhang uff!

Akt eis,
vernimmst, d'Frau Calmy chunnt,
fascht s'ganze Dorf hetts gfreut.

Akt zwöi,
me ghört, das choschtet rund
drissgtuusig, und das reut,

Akt drei,
e paar. Me opponiert
und sammlet Unterschrifte.

Akt vier,
d'Frau Calmy isch scheniert.
Si möcht kei Zwietracht stifte.

Akt föif,
si schribt e Brief us Bärn:
„Je suis très désolée,
isch blaibö Ihrör Faiör fern,
veuillez excuser!“.

Mit dere bittere Puänte
duet öises Schauspiel au scho ände.
Im Saal isch's Publikum ergriffe,
Me klatscht und dänkt: „Die heis begriffe.
Sie spile wüürklich brilliant,
die Zunzger Affe, s'isch frappant!
D'Moral isch klar: machsch so Theater,
hesch vor em Fescht au scho ne Kater.“

Denn goot me häi und grüblet Stunde:
Wär hett das Stück ächt nur erfunde?

Ó

Ä

Ä

Ó

Ó

Ä

Ä

Ó

Ä

Ó

Ä

Ä

